

Ibarretxe-Chaves bilera

PSOeko BATZORDE POLITIKOKO BURUAK «KEINUAK» ESKATU DIZKIO EAJRI PPREN PARTE-HARTZEA AHALBIDETZEKO

Chavesek Ibarretxeri esan dionez, PSOE ez da eseriko PP ez dagoen mahai batean

■ PPk alderdien arteko

elkarrizketan hasieratik parte hartu behar duela dio Chavesek, Ibarretxerekin bildu ondoren

■ PSOEko buruzagiak uste du hori

lortzeko Lizarraren eta EHrekiko harremanen inguruan EAJk «keinuak» egin behar dituela

■ Euskal Herriari dagokionez

«anbiguotasunik» ez dutela eta «funtsezkoan» PPrekin bat datozela adierazi du Chavesek

Agentziak / Madril

MANUEL CHAVES PSOEko Batzorde Politikoko presidentea Juan Jose Ibarretxe EAEko lehendakariarekin bildu zen atzo Madrilén, eta bere alderdiak «EAJrekin batera PPren aurkako frontetik osatuko ez» duela ohartarazteaz gain, «keinuak» eskatu zizkien jeltzaleei, PPkoek hitz egiteari uko egiteko «argudio-rik» izan ez dezaten.

Chavesek bileraren ostean adierazi zuen elkarrizketa mahaian «ezinbestean eta hasieratik» egon behar duela PPk eta «ahaleginak» egingo dituztela horrela izan dadin. PSOEko buruak argi utzi zuen: «Ez gara egongo PP ez dagoen ezein mahaitan, eta, ildo horretatik, EAJk keinuak egin behar dituela uste dugu».

PSOeko behin-behineko buruak lehendakariari galdegin zizkion «keinuak» EAJk udaletan EHrekin dituen akordioei amaiera ematea eta Lizarra-Garazi haustea izan ziren. Azken horri dagokionez, Chavesek esan zuen iragan astean Eusko Legebiltzarra EAJren onespenerarekin onartutako ekimen sozialista «kolpe hilgarria» izan zela. EHrekiko akordioak apurtzeko egindako eskaeraren inguruan lehendakaria «harkor» atzeman zuela esan zien kazetari sozialisten buruak.

«Lehendakariari adierazi diot», esan zuen Chavesek, «Lizarraren heriotza agiria sinatzea edo gosez hiltzen uztea beste aukerarik ez dagoela». Izan ere, Chavesek esan zuenez, «soberanismoa ETAk EAJ harrapatzeko baliatu duen tranpa izan da eta ahalik eta azkarren askatu behar du horretatik».

M. CHAVES Soberanismoa

■ ■ ■ «ETAk EAJ harrapatzeko baliatu zuen tranpa da soberanismoa, eta hortik askatu behar du»



Juan Jose Ibarretxe lehendakaria eta Manuel Chaves PSOEko burua Madrilgo hotel batean bildu ziren atzo.

DE LEON / EFE

Chaves eta Ibarretxeren arteko bilerak bi orduko iraupena izan zuen, eta haren amaieran lehendakariak ez zuen inolako adierazpenik egin. Bere mintzaide sozialistak aipatu zuenez, bilera «errespetuzkoa» izan zen, «nahiz eta tentsio unerik bat egon».

PSOeko buruak, euskal gatazkararen konponketa errazteko, EAJko buruzagien adierazpenetan «tentsioa gutxitzeko» eskatu zion Ibarretxeri. Halaber, herenegun lehendakariak Aznarrekin egindako bilerako «tentsio giroa» eta emaitza «positiboen» falta tamalgaria dela adierazi zuen.

Hala, presidente biek «ahalegin handia egin» eta iritzi publikoari «tentsioa gutxitzen lagunduko zuen mezua» eman beharko lioketela azpimarratu zuen.

eman beharko lioketela azpimarratu zuen.

Anbiguotasunik ez

Chavesek ukatu egin zuen Euskal Herriko egoerari dagokionez PSOEk inolako «anbiguotasunik» duela, eta «funtsean» sozialistak indar-

keriaren aurkako borrokan edo Lizarra-Garaziko itunari amaiera emateko eskakizunetan, adibidez, Madrilgo gobernuarekin «bat» datozela esan zuen.

Dena den, PSOEek «elkarriketaren alde eta gatazkararen aurka» egiten duela aipatu zuen Chavesek, tentsio

giroak «euskal gizartearen haustura» dakarrelakoan. Nahiz eta jeltzaleekin «desadostasun sakonak» dituztela esan, «izaera demokratiko frogatua» duten alderdien artean berba egitea beharrezkotzat jo zuen Chavesek, eta horien artean EAJ dagoe-la esan zuen.

Lehendakariaren «legitimitate iturriak»

PIO CABANILLAS Madrilgo gobernuaren bozeramaileak eta Manuel Chaves PSOEko batzorde politikoko buruak atzo esan zuten, Ibarretxe lehendakariaren «legitimitatea» Espainiako Konstituziotik eta Gernikako Estatu-tutik dator.

Chavesen irudiko, horrek testu horie-

tan bildutako «joko arauak» errespetatu eta betetzera behartzen du lehendakaria horien aldaketa lortu nahi izanez gero.

Pio Cabanillasek ere bere karguaren legitimitatea Konstituziotik eta Estatu-tutik datorrela gogorarazi zion Ibarretxeri atzoko Ministro Kontseiluaren oste-

ko prentsaurrekoan. Cabanillasek testu horiek legitimatzen dute Ibarretxe, «eta ez historiak».

Horregatik, «bitxia» dela iritzizion marko juridiko horretatik eta erakundeetatik at elkarriketa mahaiak osatu nahi izateari.

Cabanillasek adierazi zuenez,

Madrilgo gobernuak «egungo lege esparruko elkarrizketa instituzionalaren alde egiten jarraitzen du», eta hor kokatu behar da Euskal Herrirako «irtenbideak bilatzeko ahalegina».

Cabanillasek esanetan, Ibarretxek «uko egin dio» eskatzen zitzaion norabide aldaketari.